

Sarkina Bt Mat Saad @ Shaari

From: Unit Komunikasi Korporat
Sent: Tuesday, May 8, 2018 9:53 AM
To: UUM - All Staff; UUM - All Students
Subject: Empat Pemain Golf UUM Wakili Negara Ke WUC 2018



Unit Komunikasi Korporat
CORPORATE COMMUNICATION UNIT
Universiti Utara Malaysia

8 MEI 2018 / 22 SYAABAN 1439H
=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Berita dan gambar oleh: AGNUUM

EMPAT PEMAIN GOLF UUM WAKILI NEGARA KE WUC 2018



UUM ONLINE: Empat pemain golf Universiti Utara Malaysia (UUM) bakal mewakili negara ke Kejohanan Golf Universiti Dunia (WUC) Ke-17 yang akan berlangsung di Pradera Verde, Lubao Pampanga, Filipina selama empat hari mulai 16 hingga 19 Mei ini.

Mereka yang terlibat ialah Muhammad Afif Muhammad Razif, Sazanur Iman Salenin, Nurul Syahirah Afiqah Saparudin dan Tham Soot Yuet, manakala dua lagi adalah Muhammad Zafran Abdullah dari Universiti Kebangsaan Malaysia (UKM) dan Nur Eliana Ariffin dari Melaka International College of Science and Technology (MiCoST).

Kejohanan dwitahunan itu menyaksikan 20 negara akan berentap dengan mempertaruhkan atlet golf terbaik universiti dan Malaysia telah memilih enam pemain terbaik berdasarkan prestasi sepanjang tahun.

Berikutan pemilihan empat pemain golf UUM itu, majlis penyerahan bendera telah diadakan semalam yang disempurnakan Timbalan Naib Canselor (Hal Ehwal Pelajar dan Akademik), Prof Dr Abdul Malek Abdul Karim.

Beliau berkata, setiap orang mempunyai peluang sama rata untuk menang pingat di WUC 2018, justeru, lakukan yang terbaik kerana pemain yang dipilih ini membawa nama negara dan secara tidak langsung membawa nama universiti ke persada antarabangsa.

"Apa yang penting ialah persediaan dari segi kekuatan mental dan fizikal serta keyakinan yang tinggi turut melakukan yang terbaik.

"Saya doakan kejayaan anda semua pada WUC 2018 ini dan In Sha Allah, kejayaan akan menjadi milik kita," ujarinya.

Turut serta ke WUC ialah Pengurus Pasukan Prof Madya Dr Azman Yasin, Aiza Irmalinda Ariffin dan Wan Rosni Wan Cik sebagai jurulatih.



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.